

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Zakonodavno - pravna komisija

Broj: 02/2-02-1064/26
Sarajevo, 21. 4. 2026. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 27-04-2026			
Org. jed.	Broj	Priloga	Vrijednost

Na osnovu člana 46. a u vezi sa članom 56. Poslovnika o radu Doma naroda Parlamenta Federacije Bosne i Hercegovine, Zakonodavno-pravna komisija Doma naroda Parlamenta Federacije Bosne i Hercegovine, na 25. sjednici održanoj 21. aprila 2026. godine, razmatrala je:

1. Prijedlog zakona o izmjeni Zakona o visini stope zatezne kamate na javne prihode – hitni postupak,
2. Prijedlog zakona o izmjeni Zakona o utvrđivanju i ostvarivanju potraživanja građana u postupku privatizacije - skraćeni postupak,
3. Prijedlog zakona o izmjenama i dopunama Zakona o zapošljavanju stranaca,
4. Prijedlog zakona o izmjenama i dopunama Zakona o deviznom poslovanju, i
5. Nacrt zakona o izmjenama i dopunama Zakona o hraniteljstvu u Federaciji Bosne i Hercegovine,

Na osnovu člana 51. Poslovnika o radu Doma naroda Parlamenta Federacije Bosne i Hercegovine, Komisija podnosi Domu naroda sljedeći

IZVJEŠTAJ

1. Prijedlog zakona o izmjeni Zakona o visini stope zatezne kamate na javne prihode – hitni postupak

Ustavni osnov za donošenje ovog zakona sadržan je u članu III. 1. tačka c), koji je izmijenjen amandmanima VIII, LXXXIX i CVI i članu IV. A. 20. (1) d) Ustava Federacije Bosne i Hercegovine, prema kojima je u isključivoj nadležnosti Federacije Bosne i Hercegovine donošenje propisa o finansijama i finansijskim institucijama Federacije i fiskalna politika Federacije, a Parlament Federacije, uz ostala ovlaštenja predviđena Ustavom, odgovoran je za donošenje zakona o obavljanju dužnosti federalne vlasti.

Nakon uvodnog izlaganja vođena je rasprava u kojoj su učestvovali članovi Komisije, te usvojili sljedeći

ZAKLJUČAK I

Komisija je u općem pretresu utvrdila da su ispunjeni uslovi iz člana 186. stav 2. Poslovnika o radu Doma naroda Parlamenta Federacije Bosne i Hercegovine, kojim je propisano da po hitnom postupku može da se donese samo zakon kojim se uređuju odnosi i pitanja za čije uređivanje postoji neodložna potreba i ako bi donošenje zakona u redovnom postupku moglo da izazove štetne posljedice za Federaciju.

ZAKLJUČAK II

Komisija je u općem pretresu utvrdila da postoji ustavni osnov i da nema primjedbi na Prijedlog zakona o izmjeni Zakona o visini stope zatezne kamate na javne prihode – hitni postupak, te predlaže Domu naroda da naprijed pomenuti Prijedlog zakona razmotri i usvoji u tekstu kako je i predložen.

2. Prijedlog zakona o izmjeni Zakona o utvrđivanju i ostvarivanju potraživanja građana u postupku privatizacije - skraćeni postupak

Ustavni osnov za donošenje ovog zakona sadržan je u članu III. 1. tačka c) koji je izmijenjen amandmanima VIII, LXXXIX i CVI i članu IV. A. 20. (1) d) Ustava Federacije Bosne i Hercegovine, prema kojima je u isključivoj nadležnosti Federacije Bosne i Hercegovine donošenje propisa o finansijama i finansijskim institucijama Federacije i fiskalna politika Federacije, a Parlament Federacije, uz ostala ovlastenja predviđena Ustavom odgovoran je za donošenje zakona o vršenju dužnosti federalne vlasti.

Nakon uvodnog izlaganja vođena je rasprava u kojoj su učestvovali članovi Komisije, te usvojili sljedeći

ZAKLJUČAK I

Komisija je u općem pretresu utvrdila da su ispunjeni uslovi iz člana 164. Poslovnika o radu Doma naroda Parlamenta Federacije Bosne i Hercegovine, kojim je propisano da kada nije u pitanju složen i obiman zakon, podnositelj prijedloga zakona može umjesto nacрта da podnese prijedlog zakona i da predloži da se prijedlog zakona razmatra po skraćenom postupku bez nacрта zakona.

ZAKLJUČAK II

Komisija je u općem pretresu utvrdila da postoji ustavni osnov i da nema primjedbi na Prijedlog zakona o izmjeni Zakona o utvrđivanju i ostvarivanju potraživanja građana u postupku privatizacije - skraćeni postupak, te predlaže Domu naroda da naprijed pomenuti Prijedlog zakona razmotri i usvoji u tekstu kako je i predložen.

3. Prijedlog zakona o izmjenama i dopunama Zakona o zapošljavanju stranaca

Ustavni osnov za donošenje ovog zakona sadržan je u odredbama člana IV.A.20.(1)d) a u vezi sa članom III.2.e) i članom II.A.2.1) Ustava Federacije Bosne i Hercegovine. Prema odredbama člana IV.A.20.(1) d) Ustava Federacije Bosne i Hercegovine, Parlament Federacije nadležan je za donošenje zakona o vršenju funkcija federalne vlasti, a prema odredbama člana III.2.e) federalna vlast i kantoni nadležni su za socijalnu politiku.

Nakon uvodnog izlaganja vođena je rasprava u kojoj su učestvovali članovi Komisije, te usvojili sljedeći

ZAKLJUČAK

Komisija je u općem pretresu utvrdila da postoji ustavni osnov i da nema primjedbi na Prijedlog zakona o izmjenama i dopunama Zakona o zapošljavanju stranaca, te predlaže Domu naroda da naprijed pomenuti Prijedlog zakona razmotri i usvoji u tekstu kako je i predložen.

4. Prijedlog zakona o izmjenama i dopunama Zakona o deviznom poslovanju

Ustavni osnov za donošenje Zakona o izmjenama i dopunama Zakona o deviznom poslovanju sadržan je u članu III. 1. tačka c) koji je izmijenjen amandmanima VIII, LXXXIX i CVI i članu IV. A 20. (1) d) Ustava Federacije Bosne i Hercegovine, prema kojima je u isključivoj nadležnosti Federacije Bosne i Hercegovine donošenje propisa o finansijama i finansijskim institucijama Federacije i fiskalna politika Federacije, a Parlament Federacije Bosne i Hercegovine, uz ostale ovlasti predviđene Ustavom, odgovoran je za donošenje zakona o vršenju dužnosti u federalnoj vlasti.

Nakon uvodnog izlaganja vođena je rasprava u kojoj su učestvovali članovi Komisije, te usvojili sljedeći

ZAKLJUČAK

Komisija je u općem pretresu utvrdila da postoji ustavni osnov i da nema primjedbi na Prijedlog zakona o izmjenama i dopunama Zakona o deviznom poslovanju, te predlaže Domu naroda da naprijed pomenuti Prijedlog zakona razmotri i usvoji u tekstu kako je i predložen.

5. Nacrt zakona o izmjenama i dopunama Zakona o hraniteljstvu u Federaciji Bosne i Hercegovine

Ustavni osnov za donošenje Zakona o izmjenama i dopunama Zakona o hraniteljstvu u Federaciji Bosne i Hercegovine sadržan je u odredbama člana III. 2. e) kojim je propisano da su federalne vlast i kantoni nadležni za oblast socijalne politike, a u vezi sa odredbama člana III. 3. (3) Ustava Federacije Bosne i Hercegovine, kojima je utvrđeno da federalna vlast u ovoj oblasti ima pravo utvrđivati politiku i donositi zakone. Prema odredbama člana III. 2. e) i člana III. 3. (1) i (2) Ustava Federacije Bosne i Hercegovine, federalna vlast i kantoni su nadležni za socijalnu politiku. Tu nadležnost ostvaruju zajednički ili odvojeno, ili od strane kantona koordinirano od federalne vlasti.

Nakon uvodnog izlaganja vođena je rasprava u kojoj su učestvovali članovi Komisije, te usvojili sljedeći

ZAKLJUČAK

Komisija je u općem pretresu utvrdila da postoji ustavni osnov i da nema primjedbi na Nacrt zakona o izmjenama i dopunama Zakona o hraniteljstvu u Federaciji Bosne i Hercegovine, te predlaže Domu naroda da naprijed pomenuti Nacrt zakona razmotri i prihvati u tekstu kako je i predložen.

Članom 50. stav 2. Poslovnika o radu Doma naroda Parlamenta Federacije Bosne i Hercegovine propisano je da ako predlagač ne uputi svog predstavnika na sjednicu radnog tijela na koju je pozvan, radno tijelo neće razmatrati to pitanje i o tome će obavijestiti Dom naroda i predlagača, te u skladu s tim Komisija nije razmatrala Prijedlog zakona o izmjeni Zakona o naplati i djelomičnom otpisu dugovanja sportskim kolektivima – hitni postupak, zbog izostanka predstavnika predlagača.

PREDSJEDNIK KOMISIJE

Haris Zahiragić

